



CONCELLO A GUARDA

(PONTEVEDRA)

ORDENANZA FISCAL REGULADORA DA TAXA DE SUMIDOIRO

Artigo 1.- Fundamento e natureza

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases do Réxime Local, e de conformidade co disposto nos artigos 15 a 19 da Lei 39/1988, de 28 de decembro, reguladora das Facendas Locais, este Concello establece a Taxa de sumidoiro, que rexirase pola presente Ordenanza fiscal, normas que atenden ó previsto no artigo 58 da citada Lei 39/1988.

Artigo 2.- Feito imponible

1. Constitúe o feito imponible da Taxa:
 - a) A actividade municipal, técnica e administrativa, tendente a verificar si se dan as condicións necesarias para autoriza-la acometida á rede de sumidoiro municipal.
 - b) A prestación dos servizos de evacuación de excretas, augas pluviais, negras e residuais, a través da rede de sumidoiro municipal, e o seu tratamento para depuralas.
2. Non estarán suxeitas á Taxa as fincas derruídas, declaradas ruinosas ou que teñan a condición de solar ou terreo, sempre que non fagan uso do sumidoiro.

Artigo 3.- Suxeito pasivo

1. Son suxeitos pasivos contribuíntes as persoas físicas ou xurídicas e as entidades que se refire o artigo 33 da Lei Xeral Tributaria que sexan:
 - a) Cando se trate da concesión de licenzia de acometida á rede, o propietario usufructuario ou titular do dominio útil da finca.
 - b) No caso de prestación de servizos do número 1.b) do artigo anterior, os ocupantes ou usuarios das fincas do termo municipal beneficiarios dos devanditos servizos, calesquera que sexa o seu título: propietarios, usufructuarios, habitacionistas ou arrendatarios, incluso ocupantes en precario.
2. En todo caso, terá a consideración de suxeito pasivo substituto do ocupante ou usuario das vivendas ou locais o propietario destes inmobles, quenes poderán repercutir no seu caso, as cotas satisfeitas sobre os respectivos beneficiarios do servizo.

Artigo 4.- Responsables

1. Responderán solidariamente das obrigas tributarias do suxeito pasivo, as persoas físicas e xurídicas a que se refiren os artigos 38.1 e 39 da Lei Xeral Tributaria.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.



CONCELLO A GUARDA

(PONTEVEDRA)

Artigo 5.- Cota tributaria

A cota desta Taxa será a que figura no anexo desta Ordenanza.

Artigo 6.- Exencións e bonificacións

Non se concederá exención nin bonificación algunha na exacción da presente Taxa, que non veña establecida en Tratados ou Acordos Internacionais ou en normas con rango de Lei.

Artigo 7.- Devengo

1. Devéngase a Taxa e nace a obriga de contribuír cando se inicie a actividade municipal que constitúe o feito imponible, entendéndose iniciada a mesma:
 - a) Na data de presentación da oportuna solicitude da licenza de acometida, si o suxeito pasivo a formulase expresamente.
 - b) Desde que teña lugar a efectiva acometida a rede de sumidoiro municipal. O devengo por esta modalidade da Taxa producirase con independencia de que se obtivera ou non a licenza de acometida e sen perxuízo da iniciación de expediente administrativo que poida instruírse para a súa autorización.
2. Os servizos de evacuación de excretas, augas pluviais, negras e residuais, e da súa depuración teñen carácter obrigatorio para tódalas fincas do Municipio que teña fachada a rúas, prazas ou vías públicas en que exista sumidoiro, sempre que a distancia entre a rede e a finca non exceda de cen metros, e devengarase a taxa inda cando os interesados non procedan a efectua-la acometida á rede.

Artigo 8.- Liquidación

1. Cando se presente a solicitude de licenza de acometida liquidarase e esixirase a Taxa correspondente en calidade de depósito previo.
2. Si se realiza a acometida sen mediar solicitude se procederá a liquidar e notificar esixíndose o ingreso nos prazos previstos no artigo 20 do Regulamento Xeral de Recadación, sen perxuízo da apertura do correspondente expediente sancionador por infracción tributaria.
3. Unha vez autorizada a acometida, a xestión e recadación desta Taxa acomodarse ó procedemento previsto para os valores recibo (padrón, censo, matrícula etc.).

Artigo 9.- Ingreso

1. As cotas desta Taxa liquidaranse e esixiranse no momento de presentarse a solicitude, en calidade de depósito previo.
2. Cando se realice a acometida sen mediar solicitude esixirase nos prazos previstos no artigo 20 do Regulamento Xeral de Recadación.



CONCELLO A GUARDA

(PONTEVEDRA)

3. Cando a Taxa se exaccione por padrón esixirase no período sinalado na tarefa, o no seu caso, no que acorde o Alcalde ou Comisión de Goberno e o ingreso farase efectivo no prazo previsto no artigo 20 do Regulamento Xeral de Recadación, para os valores recibo.
4. Os ingresos efectuaranse na Depositaria municipal ou no lugar que determine o Alcalde-Presidente.

Artigo 10.- Infraccións e sancións

Nesta materia estarase ó disposto no artigo 77 e seguintes da Lei Xeral Tributaria.

DISPOSICIÓNS ADICIONAIS

PRIMEIRA. Declaración de alta

Os suxeitos pasivos substitutos do contribuínte formularán as declaracións de alta nos censos ou padróns da taxa e surtirán efectos tributarios no mesmo momento de sentarse a declaración, podendo prorratearse, no seu caso, por meses.

SEGUNDA. Declaración de baixa

Os suxeitos pasivos substitutos do contribuínte formularán as declaracións de baixa no censo ou padrón da Taxa e surtirán efectos no período natural seguinte ó de presentación da mesma podendo, no seu caso, prorratearse por meses.

<u>Concepto.</u>	<u>Euros</u>
<u>Tarifas:</u>	
- Vivendas.....	30,98 €
- Bares, cafeterías, hoteis e similares.....	49,57 €
- Demais establecementos.....	9,91 €
- Dereitos de acometida.....	92,93 €

ANEXO:

1. Os suxeitos pasivos obrigados ó pagamento desta taxa poderán solicitar do Concello unha bonificación dun 50% na cota da mesma sempre que os ingresos da unidade familiar non superen, en cómputo anual, o salario mínimo interprofesional, e posúan un patrimonio inmobiliario con valor catastral igual ou menor a seis millóns de pesetas. Sendo o único ben patrimonial a vivenda propia, o seu valor catastral poderá superar esa cantidade.



CONCELLO A GUARDA

(PONTEVEDRA)

2. As solicitudes de bonificación deberán aportar en todo caso:
 - Libro de familia
 - Informe da Policía Municipal sobre as persoas que integran a unidade familiar
 - Certificación de ingresos do solicitante e das persoas que convivan con el:
 - Da empresa na que traballa
 - Do INEM
 - Da entidade pagadora de pensión ou haberes pasivos

No caso de non ter ningún dos ingresos mencionados é preciso unha certificación negativa dos Organismos competentes da Seguridade Social, na que se indique que as persoas interesadas non están incluídas nela, nin como traballadoras activas, nin como pensionistas ou beneficiarias do seguro de desemprego.

- Certificación da tributación por Imposto sobre Bens Inmóveis e Imposto sobre actividades económicas a nome dos interesados, especificando a clase de finca e a base imponible.
 - Título de propiedade, contrato de aluguer (ou no seu defecto, os recibos), da vivenda que ocupan.
 - Copia da última declaración do I.R.P.F.
3. As solicitudes serán tramitadas polo Servizo de Asistencia Social que deberá emitir informe favorable tras o exame dos documentos referidos e outros informes que se estimen oportunos.

O expediente será tramitado individualmente e sometido a aprobación da Comisión Municipal de Goberno.

Os suxeitos pasivos que gocen de esta bonificación, deberán presentar declaración da variación de calquera dos requisitos que ocasionaron a súa concesión, sen perxuízo das revisións periódicas que ó efecto se leven a cabo polo Concello.

DISPOSICIÓN FINAL

A presente redacción desta Ordenanza Fiscal aprobada inicialmente polo Pleno da Corporación en sesión celebrada o 30 de setembro de 2011, entrará en vigor o día seguinte o da súa publicación no Boletín Oficial de Pontevedra, sendo de aplicación a partir do 1 de xaneiro de 2012, permanecendo en vigor ata a súa modificación ou derogación expresa.